

國家圖書館藏歷史檔案文獻叢刊

清同治朝政務檔案

第 1 冊

全國圖書館文獻縮微復制中心

國家圖書館藏歷史檔案文獻叢刊

清同治朝政務檔案

第 1 冊

全國圖書館文獻縮微複製中心

国家图书馆藏历史档案文献丛刊

责任编辑 经莉

清同治朝政务档案（全三册）

原书藏者 国家图书馆
出版者 全国图书馆文献缩微复制中心
（北京文津街七号）

印刷者 三河弘翰印务有限公司
发行者 新华书店北京发行所

印刷日期 二〇〇五年四月
印数 一—六〇
定价 一三〇〇元

未经授权 不得翻印

出版說明

本書收錄稀見清同治朝政務檔案文獻二種

《清同治政務奏稿》，記錄了同治二年（一八六二）至八年（一八六九）期間，封疆大吏們有關兵務、朝政的重要奏摺。江西巡撫沈葆楨上疏稱，時局危急，『海防亟宜籌劃』，同時要求『整頓兵制，選拔人材』，並充滿豪情地認為『天下無不可學之士，無不可成之功』。兩江總督江蘇巡撫李鴻章則認為『滅賊必先治兵，強兵必先足餉，籌餉必先得人與地』，提出餉源的重要性。欽差大臣曾國藩則提出建立長江水師，並親自為其籌劃。一時之間，朝政清明，大顯同治中興之象。

《清同治檔案》，收錄了同治年間陝西省關於政務的重要檔案文獻。包括陝省衙門役食銀款、陝省綠營馬步兵官兵及應支餉米馬乾等各數目、陝西司庫進出款、西安八旗每年應領白事銀兩、陝撫趙長齡準支養廉、陝西省通飭行用銀票章程十二條，以及陝西州縣要缺邊缺、分缺先用人員告假章程等等。其內容林林總總，涉及陝西省的政府編制、財政開支、軍務等方面，更為珍貴的是它保存了陝西省各項財務開支的詳細數目，有着極其重要的史料及學術價值。

晚清同治時期，時值西歐洋槍洋炮重創中國，『天朝上國』從皇帝到朝臣，從中央到地方，普遍受到了強烈的思想滌蕩。發奮進取、強兵強國，從那時起成為當時清政府的主旋律。《清同治朝政務檔案》，內容豐富、涉及面廣，詳實記錄了這一時期清朝政府政治、軍事、經濟等關乎政務的方方面面，完整地再現了那一時期的重大歷史事件，是難得一見的第一手史料，極為珍貴。對於研究中國近代史的學者，具有重要的參考和使用價值。特影印出版，以饗讀者。

編者

二〇〇五年三月

目錄

第一冊

出版說明……………(一)

目錄……………(三)

清同治政務奏稿(二)……………一

第二冊

清同治政務奏稿(二)……………四一九

第三冊

清同治檔案……………八五一

請減蘇杭漕額疏 同治一年

四品銜福建道監察御史臣丁壽昌跪

奏為請特沛

恩綸永減蘇杭等處漕糧定額以收民心而寒賊膽恭摺仰祈

聖鑒事竊維漕糧一項以江浙二省為大宗而江浙之漕以蘇松常鎮太杭

嘉湖七府一州為尤重從前全漕四百餘萬石而江浙二省幾及三百

萬石居天下漕糧四分之三自蘇杭淪陷漕運全停松江太倉雖經收

復而彫敝之餘民窮財盡即使蘇常杭嘉湖等府全行克復尚須招集

流亡培養元氣糧賦未能足額漕運斷難如常且小民畏漕額之重未

收後者觀望遷延已收後者流亡遷避使東南膏腴之地不敢歸耕



國家財賦之區、久為賊踞、蘇杭一帶、百萬生靈、不蒙

聖朝之德澤、輾轉流離、良可哀憫、臣愚以為救寒今日之賊膽、必先收今日之民心、收收今日之民心、必先減最重之糧額、蘇杭等府、所最苦者漕糧之重、蘇松為甚、常鎮太杭嘉湖次之、考宋初江南畝稅一斗、至南宋賈似道買民田為官田、畝稅七斗、而民始困、元時令天下田稅無過畝三升、而官田之重如故、明初沒入張士誠官田、按其私租籍徵之、畝至八斗、而民重困、其初止官田賦重、民田畝稅不過五升、至嘉靖中創議田不分官民、稅不分等則、一切以三斗起徵、而各州縣又以官田之多、少為稅則之輕重、多者長洲畝科三斗七升、少者太倉畝科二斗九升、亦一條鞭法、上下忙銀、耗米輕齎、勒折浮收、尚在其外、竭一畝之入、不

足交一畝之租、農民朝納官糧、夕成餓殍、至有以田地白售與人、不取價值、而人畏其糧重、無肯收受者、積弊日甚、拖欠日多、官困於考成、民疲於徵比、有明一代、君臣皆知其弊、屢議裁減、皆格於部議而止、我

朝因其成法、加以寬仁、康熙年^間屢次蠲免天下錢糧、嗣後每逢

恩詔蠲免民欠官糧、不下數百萬石、遇災荒之年、下

詔緩徵、亦不下數十萬石、雖民困稍紓、而糧額未減、是徒有重賦之名、並無收

稅之實、查例載蘇松糧道所屬四府一州、應徵漕白米一百二十餘萬石、每石耗米三斗四斗不等、浙江糧道起運杭嘉湖三府、應徵漕白米六十四萬餘石、每石耗米四斗及四斗五升不等、計七府一州之地、開方不過五百餘里、而收漕白正耗米二百五十餘萬石、較之江西湖南

北三省漕糧正耗米九十六萬餘石、將及二倍、其應徵漕贈輕齎等銀、尚有數十萬兩、賦重若此、民何以堪、從前未能議減者、以度支浩繁、江浙完善、官員俸米、兵丁甲米、皆仰給於南漕、何敢輕言減額、今則南漕停運、已將二年、俸米減成、甲米輪放、太倉竭蹶、情形不堪設想、蘇杭等郡、久陷賊中、小民受

國家二百餘年秦養之恩、踐土食毛、豈肯甘心從賊、特為兇威所脅、不能自拔來歸、與其委之於賊、使得暴斂橫徵、曷若蠲之於民、使早脫離水火、誠能特沛

恩綸、舉行曠典、將蘇杭等處七府一州之地、按照各州縣每年應徵漕糧白糧舊額、永減三分之一、令該省督撫統兵大臣、多刻謄黃、徧加曉諭、並

唐遣間諜傳聞賊中。臣知江浙士民必感激涕零歡欣鼓舞。已收復者
亟思減賦。未收復者率眾歸誠。大兵所到自有破竹之勢。東南可指麾
而定。計此後全漕尚有三百餘萬石。可實京倉。小民既易於完納。財賦
自日見充盈。書曰。天矜於民。民之所歆。天必從之。論語曰。百姓足。君孰
與不足。且此項南糧全收之時少。緩徵之時多。各州縣因徵收不足。規
避處分。多報災荒分數。照例緩徵。是從前未減之時。實與減額無異。若
唐浩大之

皇仁減最重之糧額。無損於

國。有益於民。前朝數百年所不能減者。自我
朝特減之。書之史策。傳之四方。使億兆歸心。賊人破膽。上培元氣。下順輿

情當今之急務無過於此者。惟事關糧額。應請
敕下部議施行。俟部議覈定後。再請明降

諭旨。

恩出自上。是否有當。伏祈

聖鑒。

論粵省軍務聲務疏 同治一年

大理寺少卿臣王拯跪

奏、為粵省軍務聲務、關係緊要、敬奉所知、以供採擇、恭摺仰祈

聖鑒事、竊維兩粵為肇亂之區、安危與共、粵西地本苦瘠、非東省富強可比、

獨民氣較樸、故其亂之起、多由東省秀民越境滋擾、而其亂之息、亦非

東省相為援濟、不得獨力自完、溯自咸豐三四年間、遂匪洪秀全度嶺

後、粵之盜賊蠡起、數年之間、逐漸埽除、西省柳慶潯梧、列郡克復、多賴

湘軍越勦之功、而東省亦能相協助、東省則自省城數被賊攻、西北江

羣匪縱橫、皆本省兵勇自為戡定、即餉需軍食、亦未需之外省、誠以該

省地力人力、本皆可用、乃自葉名琛攘民之力、以為己功、靳惜保岸、大

失眾心。旋後釀成夷禍。粵民恆不復為所用。變起非常。粵西則勞崇光
升任後。蔣益澧既移師援浙。劉長佑復游督畿疆。各屬股匪多所未平。
如南太泗鎮。離省較遠。地方久不知有天日。正不獨潯梧等屬之岑溪
容縣。數載尚為賊踞。及貴縣黃三巨股未除也。東省信宜踞匪陳金缸
尤為巨慝。近於高屬毒痛幾徧。其與岑容地本毗連。羣賊相為一氣。積
年滋蔓。久益難圖。方今時勢。豈可復令粵匪再有大股草竊。養成羽翼。
及橫逸四出之為患乎。而以臣近日所聞。則又有隱憂者。東南大局。曾
國藩等大軍。與賊久持。左宗棠李鴻章。浙滬之師。各有進取。江浙機勢
大為可乘。獨以曾國藩所部十萬之眾。當賊渡江。且與捻苗羣醜勾連。
數十萬寇。軍務正當萬緊。江楚督臺日久。供支殊形竭蹶。勢不能不借

籌於粵省膏腴之地、完善之區、當勞崇光初任粵東、省城方為夷人所據、紳民官吏、逃徙一空、該督入穴取子、孤詣苦心、深惜地方凋瘵情形、故於曾國藩款籌大餉於粵中、殊不謂然、即駱秉章老成謀慮、亦以粵之海口、利源既減、餉務又疲、斯時民力、未可重加培克、為言、然當京餉及各省協餉、環而相向、未嘗不思竭力辦理、顧求效甚亟、而相時未紓、不得不思通變之術、故聞勞崇光舉辦釐金、率皆責令紳商包充頭人、豫為墊繳釐稅若干、利之所在、蠹即緣之、在該督之意、以為收得巨款於目下、即何能免奸弊於意中、或者生息休養、數年之間、民生既遂、國計亦紓、自可優游以求萬善、不知釜眉之急、原不可待、剜肉之計、又何可常、故勞崇光所辦、揣該督設久於其位、猶必當思所改圖也、論者咸

謂粵東富強、就使貧落、猶宜過於湖南十倍、湖南徵兵轉餉、數年求支、持東南數省、所恃獨有釐金、視廣東所得、歲加一倍有奇、即上海華夷併集、貿易為盛、要之一縣地耳、彼其所得、視廣東至數倍、夫以廣東利源之廣、其最大者、曰鹽、曰茶、曰沙坦、曰海船、獨有山海百物之聚、而不能得推行盡利之方也、臣固有以知其人事有未周、地力有未盡也、自古用兵日久、困乏、未有不資於權算之一途者、近年各省、惟兩湖辦之特著成效、如前撫臣胡林翼等、大率取唐劉晏雜用士流之法、而變通之、良以經理要期其有法、權衡首在於得人、十室之邑、必有忠信、人才善惡邪正、每相引而愈出、獨計兩湖與辦、皆在所屬軍務日臻平靖之日、蓋收與利必先除害、此又凡為事理所宜然也、臣聞粵省釐務自勞

崇光去任後、名為一切悉易新章、實則舉仍其舊、並有所辦反不如前、而徵收之數、亦為減少者、當茲京餉協餉、督責頻仍、運解未嘗大旺、而本省軍儲、已將絀乏、西鄰援濟、更不能兼顧、潯郡楚軍欠餉、累々莫能一鼓其氣、即該省向來自籌助之鹽釐、亦以該商籍隸東省、百計求允、督臣議減、粵東地有貪泉、人多賄儉、聞有各行釐金、每年可得巨萬者、輒以多金賄通求免、後來之人、遂莫能發其覆、大抵粵釐、果得人、辦理有法、無難歲逾百萬、比勞崇光所入倍蓰、而且安然無事、反是、則朘削所獲、猶未足以裕餉於軍國、操切所至、已大足積怨於民、若彼官污吏墨、既不能服其心、智淺才庸、又不能善其術、輿薪弗見、而察及秋毫、有無怪其然者、近日乃有釐務委員、或為眾所毆傷、或為民間枷號、毀